

康熙臺灣府志

第二冊

康熙臺灣府志卷一

封域志

星野 沿革 建置 疆界 形勝 山川 附海道

古者茅土之錫星羅碁布繡壤相錯各有規方毋或越焉厥後罷侯置守建都立縣卽黑水流沙雕題鑿齒之方靡不統於一尊時勢然也然幅幘雖廣必分封域其間或仰觀以辨疆畫或俯察以覘勝槩或因時以審機宜營造聲輿而規模悉定延袤莫際而經理畢周非以飾大觀示無外也亦使後之撫茲斯土者相陰陽風雨之會知剛柔燥濕之宜用以奠厥民居增其式廓以壯我

康熙臺灣府志 卷之一 封域

皇圖云爾作封域志

星野

星野之說昉自周官蓋以星土辨九州之地焉臺自破荒以來不載版圖不登太史星野分屬何從而辨然臺係於閩星野宜從閩卽以閩稽之福建禹貢揚州之域天文牛女分野按牛女於辰爲丑銀海之屬星紀之次銀海元武象也星紀吳越分也劉向曰吳越屬斗牛女分晉隋元志吳越其辰在丑由是而說者謂臺在泉州之窮南去省會遠矣不宜爲銀海之屬又在漳州之極東去吳越更遠矣不宜爲星紀之次雖曰天覆罔極而至窮南極東星土不無少異遂



有以臺郡分野當在女虛之交者虛元枵之次在子
之辰以臺之稍遠而東遽疑其越次越辰是亦坐井
觀天之見也卽不必論天之覆幬而以近事考之明
時澎湖統於泉泉分野非從省會為牛女乎則臺依
泉為牛女分自可無疑矣更以近地考之臺海西界
於漳南鄰於粵而北則閩安對峙漳分野眎閩而粵
分野眎漳焉有臺之錯壤相接獨不屬之牛女乎唐
僧一行有云星紀當雲漢下流百川歸焉故其分野
自南河下窮南紀之曲東南負海為星紀則臺郡宅
東南分野仍屬牛女又與一行之說相符合近考之時
事遠證之前言旁測之地里紀臺星野終必以牛女

為定衡也

沿革

臺灣古荒裔地也前之廢興因革莫可考矣所得故
考之傳聞者近自明始宣德間太監王三保舟下西
洋因風過此嘉靖四十二年流寇林道乾擾亂沿海
都督俞大猷征之追及澎湖道乾遁入臺大猷偵知
海道紆迴水淺舟膠不敢逼迫留偏師駐澎湖島時哨
鹿耳門外徐俟其弊道乾以臺無居人非久居所恣
殺土番取膏血造舟從安平鎮二鯤身鯤身與名隙
間遁去占城占城屬廣南今尚有道乾遺種道乾既
遁澎之駐師亦罷天啓元年顏思齊為東洋國甲螺

東洋卽今日本甲螺者卽漢人所謂頭目是也彝人
立漢人為甲螺以管漢人引倭屯聚於臺鄭芝龍附
之始有居民旣而荷蘭人舟遭颶風飄此甫登岸爰
其地借居於倭倭不可荷蘭人給之曰只得地大如
牛皮多金不惜倭許之紅彝將牛皮剪如繩縷周圍
圍匝已有數十丈地久假不歸日繁月熾無何而鵲
巢鳩居矣尋與倭約而全與臺地歲願貢鹿皮三萬
張倭嗜利從其約荷蘭人善用砲攻其居臺也以夾
板船為犄角雖兵不滿千而南北土酋咸聽命焉海
濱巨商常來往貿易庚寅甲螺郭懷一謀逐紅彝事
覺召土番追殺之盡戮從者於歐汪歐汪地名卽今

鳳山縣仁壽里懷一既誅何斌代為甲螺商民在臺
者被土番殲滅不可勝數而商賈視臺為畏途矣辛
丑鄭成功自江南喪敗其勢日蹙孤軍廈門圖退步
地適紅彝甲螺何斌負彝債逃屢誘其進取臺灣從
來鹿耳門屈曲盤旋沙浮水淺非善水者不得渡時
鄭舟至鹿耳水忽漲十餘丈巨艦縱橫畢入豈天假
手於鄭以式廓我

朝無外之疆域也荷蘭與成功戰不利遂退保臺灣土
城歸一王歸一王紅彝帥名以死拒之鄭師力攻不
克環山列營以困之荷蘭勢窮復整夾板船十餘艘
與成功決戰成功因風縱火焚燒彝艦荷蘭大敗然

終無降意成功使人告之曰此地乃我先人故物今
所有珍寶聽而載歸地仍還我兵始罷荷蘭知勢不
敵爰棄城歸成功就臺灣土城居之改臺灣為安平
鎮亦嵌為承天府總名東都設府曰承天府設縣曰
天興縣萬年縣未幾成功死子經居鷺江即今廈門
成功弟世襲陰有竊拒意經攻逐之世襲渡海歸誠
經嗣立改東都為東寧改二縣為二州設安撫司三
南北路澎湖各一興市屢構廟宇招納流民漸近中
國風土矣辛酉經死子克塽嗣幼冲在位政出多門
人心已渙康熙二十一年總督姚 探知虛實陰齎
劄付到臺離散其左右結傅為霖為內應垂成事洩

康熙臺灣府志 卷之一 封域

四

為霖遇害越癸亥靖海將軍侯施 統率舟師進征
六月由銅山直抵澎湖八罩灣取虎井桶盤嶼克之
克塽識天命有歸遂籍府庫納地輸誠於是 廷議
設郡建官制度規模燦然聿新於以徵道一風同之
盛云

附偽藩鄭氏歸降第一表

招討大將軍延平王臣鄭克塽謹

奏伏以論域中有帝尊歷代紹百王為得統觀天意有
攸屬

興朝宅九土以受符誠五德之推移為萬彙所瞻仰者也
伏念先世有夫愚忠追懷前代之恩未沾

盛朝之澤是以臣祖成功筭路以闢東土臣父經韎韋而
雜文身寧敢負固重險自擬夜郎抑亦保全遺黎孤
栖海角而已迨至先人弛擔稚子承祧常思畏天之
威莫求縮地之術茲蓋伏遇

皇帝陛下高履厚載仁育義懷底定中邦如旭日升而普
照掃擴六宇雖浮雲翳而乍消苟脩文德以來遠人
寧事勝心而焚海內乃者舳艫西下自揣履跡之獲
愆念此氣血東來無非霜露之所墜顏行何敢再逆
革心以表後誠昔也威未見德無怪鳥駭于虞機今
者悟已知迷敢後麟遊于仁圃伏願視天地萬物為
一體合象昏寄棘為大同遠柔而邇能形民固無心

于醉飽貳討而服舍依魚自適性于淵泓夫且問黃
耆之海波豈特誓丹誠以皦日為已哉

第二表 為舉國內附仰冀

聖恩事竊惟臣生自海邦稚懵無識謬繼創垂之緒有乖
傾向之誠適者樓船西來旌旗東指簞壺緩迎于

周旅干羽煩舞于

虞階有省重愆誠為莫贖然思

皇靈之赫濯信知

天命有攸歸逆者亡順者昌迺

獲戢待物之廣大貳而討服而舍諒

聖王與人之甚寬用遵往時之

成命爰邀此日之

殊恩冀守宗祧以勿失永作屏翰于東方業有脩表具
奏外及接提督臣施琅來書以復居故土不敢主張臣
思既傾心而向化何難納土以輸誠茲特繕具本章
并延平王印一顆冊一副及武平侯臣劉國軒印一
顆忠誠伯臣馮錫范印一顆敬遣副使劉國昌馮錫
韓齋赴軍前繳

奏謹藉土地人民待

命境上數千里之封疆悉歸土宇百餘萬之戶口并屬版
圖遵海而南永息波濤之警普天之下均沾

雨露之濡實

康熙臺灣府志 卷之一 封域

六

聖德之漸被無方斯遐區之裨負恐後獨念臣全家骨肉
強半孺呱本係南人不諳北土合無乞就近閩地方
撥賜田莊廬屋俾免流移之苦且獲養贍之資則蒙
高厚之生成當誓丹青以御結至于明室宗親格外優
待通邦士庶軫念綏柔文武諸官加恩遷擢前附將
領一體垂仁夙昔仇怨盡與蠲除籍沒產業俱行賜
復尤期廣推寬大之仁明布維新之令使夫羣情允
愜共鼓舞于春風萬彙熙恬同泳游于化日斯又微
臣無厭之請微望

朝廷不次之恩者也為此激切具本
奏

聞伏候

勅旨

建置

臺灣濱山阻海居要荒之外明嘉靖間澎湖屬泉同
 安設巡檢守之旋以海天遙阻棄之崇禎間荷蘭人
 居臺亦舍澎湖惟建臺灣赤嵌二城臺灣城今安平
 鎮城未嵌城今紅毛樓規制甚小名城而實非城設
 市於臺灣城外遂成海濱一大聚落順治間鄭成功
 取臺灣稍為更張設四坊以居商賈設里社以宅番
 漢治漢人有州官治番民有安撫然規模不遠殊非
 壯觀至康熙二十二年歸我

康熙臺灣府志 卷之一 封域

國朝建置始詳設府一縣三府曰臺灣統三縣邑曰臺
 灣是為附郭轄十五里四坊曰鳳山轄七里二庄十
 二社一鎮一保曰諸羅轄四里三十四社地分南北
 焉治文事則有分巡道及府廳縣詳載秩官誌脩武
 備則有總鎮府及副叅遊詳載武備志府庠縣庠廣
 文各一正學明倫風布三代設保甲以剔奸詳載規
 制志立汛防以衛民詳載武備志凡所建置皆因人
 情而宜土俗制云隆矣法云善矣雖城池未設而十
 萬人一心豈不安如磐石固如金湯歟

疆界

唐虞之世弼服五千成周職方氏掌天下之版圖則

疆界不可不辨也臺自建置以來設府一其府治東至保大里大脚山五十里為界是曰中路人皆漢人西至澎湖大海洋為界亦漢人居之除澎湖水程四更水程無里鋪舟人只以更數定遠近一更天約旱程五十里外廣五十里南至沙馬磯頭六百三十里為界是曰南路磯頭以內諸社漢番雜處耕種是事餘諸里庄多屬漢人北至雞籠山二千三百一十五里為界是曰北路土番居多惟近府治者漢番參半至于東方山外青山迤南亘北皆不奉教生番出沒其中人跡不經之地延袤廣狹莫可測識

臺灣縣治附郭除澎湖三十六嶼澎有三十六嶼各

孤懸於巨浸中地之廣狹里之短長叢襍不可紀極詳載山川志東至保大里大脚山五十里西至澎湖水程四更除水程外廣五十里南至鳳山縣依仁里交界十里北至新港溪與諸羅縣交界四十里南北延袤五十里鳳山縣治在臺灣府南一百二十五里東至淡水溪二十五里西至打鼓山港二十五里東西廣五十里南至沙馬磯頭三百七十里北至臺灣縣文賢里二贊行溪一百二十五里南北延袤四百九十五里諸羅縣治在臺灣府北一百五十里東至大龜佛山二十一里西至大海三十里東西廣五十一里南至

新港溪與臺灣縣交界一百四十里北至雞籠城二千一百七十五里南北延袤二千三百一十五里

形勝

臺灣府襟海枕山山外皆海東北則層巒疊嶂西南則巨浸汪洋北之雞籠城與福省對峙南而沙馬磯頭則小琉球相近馬諸番檣櫓之所通四省藩屏之所寄戍以重兵擇人而治內拱

神京外控屬國實東南門戶非若珠厓可得議棄者也
臺灣縣木岡山聳峙雲霄赤嵌城危臨海渚日暮烟霞極盛樓海市之鉅觀外有澎湖三十六與星羅碁布內有鹿耳門海天波濤紆迴曲折險要固塞之地

康熙臺灣府志

卷之一 封域

九

莫或最焉

鳳山縣旗鼓天生旗鼓二山名在縣治之南龜蛇地設龜蛇二山名在縣治之南北鳳山名鳴高岡鯤莫名鯤身蟠巨海最特出者有傀儡山干霄挿漢東渡指南又有淡水流清蓮池吐艷在文廟前郎嬌波濤貫耳如雷所謂奇觀勝槩約畧如此
諸羅縣雞籠山在其北龜佛山在其南斗六門流匯大海半線港直接奧區其龍從之迴環者不可紀極而其浩瀚之奔流者無不朝宗

臺灣府山

臺灣山形勢自福省之五虎門蜿蜒渡海東至大洋

中二山曰關同曰白岫者是臺灣諸山腦龍處也隱
伏波濤穿海渡洋至臺之雞籠山始結一腦扶輿磅
礴或山谷或平地繚繞二千餘里諸山屹峙不可紀
極大約灣之山背東瀛面西海而郡邑居其中自木
岡山在府治東北約百三十餘里巍峩特聳其頂每
軍雲霧必至天氣清朗之時方見山形遠望其峯上
與天齊臺灣之山惟此山最高大是為郡山之祖焉
南至大岡山在府治東南此山離府三十餘里山上
有大石聳秀形如冠帽中有大湖石洞其山能鳴鳴
則非吉祥之兆層巒聳翠上出重霄為臺灣縣治大
岡山北為臺灣縣界自大岡山南至沙馬磯頭山在

鳳山治西南離府治五百三十餘里其山西盡大海
高峻之極山頂常帶雲霧俗傳此山有仙人衣紅衣
黑降遊於上今有生成石礎石碁盤在凡呂宋往來
洋船皆以此山為指南西南之山至此極焉包裹絡
繹環抱鞏固則為鳳山縣治大岡山南為鳳山縣界
自木岡山北至雞籠鼻頭山在諸羅治東北形如雞
籠因以為名原紅毛時築有一小城在焉見規制志
城東設銃臺一座臺灣之山自此發源凡日本往來
洋船皆以此山為指南諸峯錯秀逕逸千里則又諸
羅之縣治也木岡山南為臺灣縣界木岡山北為諸
羅縣界蓋鳳山諸羅雖分縣界而遠峯近岫莫不明

拱暗朝於郡治也至若深山之中轍跡罕到其間人
形獸面鳥喙鳥嘴鹿豕猴獐涵淹卵育魑魅魍魎山
妖水怪亦時出沒焉則又別一世界也

臺灣縣山 附澎湖與

臺灣縣治東北百餘里山之最高而大者曰木岡山
在大目降營之東北境山形見府山志山之南為臺
灣縣治山之北為諸羅縣治南過大目降營歷保大
里西保大里東至新豐永豐二里又南抵崇德里皆
山也以上皆縣屬里名自大目降營盤至崇德里相
距百餘里其山崔嵬嶮險入跡所不到且日戴雲霧
非天清氣朗之時不見山形故山雖高大從來無有

名號今約畧志之龍從之勢矗列無隙是為府治屏
障自崇德里而西轉曰大岡山小岡山此二山脫落
平洋大岡山在北小岡山在南互相對峙焉逶迤而
至七鯤身詳見鳳山山志 皆鳳山縣治界山而實為
府治外扈也又縣治西至於海曰鹿耳門在臺灣港
口形如鹿耳分列兩旁中有港門鎮鎖水口凡來灣
之舟皆從此入泊舟港內其港門甚隘又有沙線行
舟者皆以浮木植標誌之曰北線尾在鹿耳門南與
鹿耳門接壤其南即安平鎮也離安平鎮未上里許
中有一港名大港紅毛時甚深夾板船從此出入今
淺南轉與安平鎮七鯤身會是又府治水口羅禽也

從鹿耳門北轉歷衆山而上曰番米基山詳見諸羅山志以至木岡山北皆諸羅縣治界山亦郡之東北拱輔焉至於澎湖亦屬縣治但遙隔一洋有四更水程另敘于左

附澎湖嶼

澎湖一島山嶼錯出泛泛若水中之鳧其最大而宅中者曰大山嶼橫直各三十餘里嶼之東偏曰香爐嶼形如香鼎故名西偏曰鴈淨嶼鴈淨嶼有二比肩而立無人居曰沙墩嶼嶼皆土沙故名其北偏曰龜壁山龜壁海物名山下最多山因以為名山以外曰錠鈎嶼嶼產紫菜澎民常往採焉曰雞腎嶼形如雞

腎故名曰負背嶼北之上流曰鳥嶼此嶼多鳥因名曰白沙嶼而北之極則屈爪嶼形如臥虎屈爪吉貝嶼澎民捕魚者多在此之數嶼者跳躍鼓浪羅列擁塞足為大山嶼之北門鎖鑰也越而極西則有目嶼形如人眼故名目嶼之東則有姑婆嶼嶼出紫菜鐵砧嶼上皆石板大三四丈平坦無痕若攻鉄之砧然土地公嶼上有石鑄神像不知來自何時因名金山嶼嶼色黃赤如金然故土人呼之蜿蜒磅礴間空殼嶼此嶼百物皆空故土人因目之而正西則有西嶼頭西嶼之西則丁字門嶼橫於西嶼如丁字然北則鎮海嶼明時設兵守海寇於此後因以名嶼東則

大倉與澎民罕到只一曠土其間雖旋繞叢結亦成
島阜獨西與之背懸聳天半卽內外二整地也極澎
之西表為廈門西渡者之標準焉西與後為四角與
其形正方為名為雞籠與其形上狹下廣如土人籠
雞之器為桶盤與形如托物之盤為虎井與形如虎
臨深轉而南則花嶼也草嶼也二與相連澎山無草
木二與頗有故以花草名大猫與小猫與與南與也
大猫與小猫與相去無多與之怪石隱約如猫故名
南與亦名大與先時居民甚多以波濤不測移居八
軍嶼而頭中嶼形如角中則居南與之上頭中嶼之
西為八軍嶼周圍三里餘居民稠密烟火相望而書

聲相聞也八軍之北為狗沙嶼魚名狗沙此嶼最多
故名其對峙為將軍嶼上有將軍神廟因以名與將
軍嶼之西為岑圭嶼閩人謂岑圭者卽階級也與形
如之故名後為船帆與形如船帆為後埭與其南為
東與平西與平二與居南與之東而平分一水故分
東西焉是皆障列東南而為南與之拱護者也當東
西二與平之下流者乃味銀嶼波流甚急紅彝時通
商諸番金寶滿載而歸船多磕破於此土人善水者
入水尋銀故名鐘子嶼形如懸鐘由此而東乃西吉
嶼東吉嶼舟人所謂甘吉是也參二與之中碩然一
塊乃鋤頭增與也彼東西二吉渡海者風無論南北

船無論往來必知由是路始能入是門是東吉西吉
又入臺之指南車也總澎之與而計之實四十有五
而相傳為三十六與者何蓋間或無天塹之險如狗
沙與岑圭與味銀與鋤頭墘與是也或渺然滄海一
粟如船帆與草與後埭與姑婆與是也故名雖存而
不掛人之齒頰特舉其大槩言之耳若夫誌山者務
存其實雖小而不可以或遺良以人畧我詳不敢附
會俗入言也

鳳山縣山

鳳山之山自臺灣縣治崇德里東南諸峯蜿蜒而來
岡巒重疊勢皆南向臺灣縣界至崇德里止其東南

康熙臺灣府志 卷之一 封域

諸峯皆屬鳳山縣界至阿猴林以北諸峯阿猴林在
觀音山南此山豁谷絕險必攀藤附葛鑿道駕橋方
得至焉崔然若拱若峙若盤若踞是為觀音山在阿
猴林之西北小鳳山之東南其山生成五片中一座
尖秀形像如佛故名曰觀音山為七星山此山脫落
七頂至第七峯山頂更高上有石圍靜如星故名曰
七星山為大滾水山此山甚高詳古蹟志為小滾水
山此山去大滾水山十里餘地勢與大滾水山相接
為尖山此山峻起清秀故名曰尖山隱伏二十餘里
經向赤山在已上諸峯之西南其土色赤故因以為
名此山去鳳山不遠為鳳彈諸山在赤山西南有十

數小山或高三四丈者或高七八丈者不等俱土山
圓淨在鳳山之後形如卵故俗呼為鳳卵至盡處寬
然高大者為鳳山在鳳潭山西踞其巔視之其形如
鳳旁有兩山如翅又有一崙載礮石如鳳冠另有一
崙向海至沅仔口如鼻後有疊隔形如卵故名鳳山
建縣治焉治東北為大岡山在嘉祥里詳見府山志
為小岡山同上為半屏山在小岡山西南山面頗平
遙望之如屏一般故名堪輿家傳為房屋墳墓有同
此山者主凶敗轉而西為深底山竝峙者為打鼓山
在深底山西南俗呼為打狗山其山踞海岸上有大
潭石洞為安平鎮七鯤之宗其形如鼓故名從打鼓

山蟬聯而下勢若長蛇為蛇山打鼓山之後越一小
港有土阜曰旗後山冬天捕烏魚者在此又逶迤而
西南有鯤身者七自打鼓山蜿蜒而迤西南共結七
堆土阜有蛛絲馬跡之象如鯤魚鼓浪然自一鯤身
迤至七鯤身相距有十里許並無礮石俱皆沙土生
成然任風濤飄蕩不能崩陷上多荆棘雜木望之有
蒼翠之色外係西南大海內係臺灣內港宛在水中
尖採捕之人居之皆鳳山之拱衛也治之東其山之
最聳者曰傀儡山在縣東其土番性極頑悍曰卑南
覓山在傀儡山東卑南覓社即在此山之後社東南
又有二山名小向山山外大海之中有巖名尚仔巖

周圍百餘里此處萬水朝東與外又有一絕大高山
名尚岡山轉而南復折而西南巒巒複袖莫非山也
有麻律律山呂佳岡山霄馬干山知本山非貓離山
霄貓離山加流蛋山龍鸞山十仔崙山水里山撫勝
米山卓落撥舌山州蚩哥山加覽弼山曲文泰山大
板六山大鳥萬山盡卜山援八八圍山把仔益山老
佛山蜈蟻嶺更轉而西出於海為即嶠山在沙馬磯
頭山東南離府治五百三十餘里為沙馬磯頭山在
即嶠山西北其山西臨於海山頂常帶雲人視之若
有人形往來雲中疑為仙人降遊其上離府治五百
三十里而山始盡皆鳳山之佐輔也西南洋海中突

出一峰層巒高峻林木蒼翳則小琉球山也此山在
鳳山西南在海洋中周圍約有三十餘里崎嶇巉險
並無拋泊船隻處止多出椰子竹木並無人居鳳山
水口藉是山而益鎮密

諸羅縣山

諸羅之山自木岡山折而西向峰巒不可紀極其峙
於東北者曰番米基山在木岡山之西北縣治之東
北河里山社東界至此山止自此山以東皆係內山
曰大龜佛山在河里山八社東南曰阿里在縣治東
北其山下有土番共八社曰肚武菁山在縣治東北
阿里山社北界至此山止八掌溪牛欄溪山疊溪皆

此山流出曰打利山在鹿仔埔山東阿里山南曰鹿仔埔山在打利山西覆鼎山東曰覆鼎山在打貓社大武壠山西北形如覆鼎故名此拱輔邑右者也其聳於東南者曰馬鞍山自木岡山西迤至此衆山重疊不可勝記至馬鞍乃其盡處此山在木岡山西北形如馬鞍故名壬戌年間被溪水漲裂中有崩壞一坑臺諸二縣分界之港曰新港自此山透入曰大武壠山在馬鞍山西北大武壠社山尤高聳下有溪二條曰澳溪曰咽溪西而赤山在馬鞍山西北大武壠山西其山無石土赤如黃金色故名上有觀音亭下有龍潭周圍皆肥吳有源之田又西北而卜龜佛山

在覆鼎山西南其形如龜故名下有古樹高數丈餘俗傳有神附焉鄉民近此居者多疾病夭折故農家皆徙三里之外為舍皆拱輔邑左者也至若文峰直棟上與天齊則有山朝山在雞籠鼻頭山東南有上番山朝社其南即蛤子灘三十六社有買猪末山在山朝山南其峰尖秀如文筆山形南即哆囉滿社北即山朝社三日路程有黑沙晃山在買猪末山南秀拔峭麗與買猪末山並峙其東南即直脚宣五社是又東北之秀出而遠擁者也磅礴而下則有斗六門諸山斗六門山甚多北山在羊線社界南山在大武郡社界吼尾溪東螺溪大武郡溪皆從斗六門山透

出北面猫霧山在斗六門東北猫霧社界內與小龜
崙山隔大甲溪一條小龜崙山在猫霧山北龜崙社
界此山出灘流入淡水港南日山在崩山社界小龜
崙山西中港在此山北發源合歡山在南日山西此
山出灘流入淡水港又北而雞籠鼻頭山在山朝山
西北山形見府山分界志內奇獨龜崙山在雞籠鼻
頭山西淡水城東山後礮山圭州山干豆門山干豆
門山有二一在淡水港西二山夾港如門柱然故名
八里分山在淡水港口外奇獨龜崙山在港東八里
分山在港西二山相與互峙查內山在八里分山南
山麓有二小社一名查內社一名香里社山下有小

港通竹塹港眩眩山在查內山西有小港南流入竹
塹港以及小鳳山在眩眩山西其山盡海北至嵌港
南至竹塹港莫非邑之朔方外障也自雞籠鼻龜崙
之外為大海海有小巔曰雞籠在海洋中與雞籠鼻
頭山相對而在其西曰桶盤與在雞籠與西其巔平
坦方正故名桶盤曰旗干石在雞籠鼻外二石高聳
形如旗干夾石因以名曰石門與在旗干石西一石
中空如圓門故名石門曰雞心巔在石門西狀如雞
心故名則又臺灣之腦龍隱見處焉

臺灣府水道

臺郡四面巨浸臺鳳諸三色眾水攸歸郡治在木岡

山之陽夾以兩溪北為新港與諸羅界南納鳳山之
岡山溪西入於臺灣內港與鳳山界而臺灣縣治在
中焉茲將三縣水道謹志於左

臺灣縣水道縣治之為水凡六

一曰新港通木岡山溪溪從諸羅之馬鞍山南出大
目降營盤之北又西過廣儲西里又西過大目降草
地至武定里從洲仔尾匯新港西入於海此臺諸二
縣界水也

一曰大目降中溪從馬鞍山之南過大目降營盤西過
廣儲西里夫目降草地至武定里北而與新港會從
洲仔尾西入於海

康熙臺灣府志 卷之一 封域

十九

一曰大目降南溪從木岡山之西南出西過大目降
營盤逶迤數里過廣儲東里之北又西北過廣儲西
里大目降草地與中溪合至武定里後同新港西入
於海

一曰咬狗溪從香洋仔出永豐里北過新豐里又北
過保大東里保大西里又西北過廣儲東里匯於鯽
仔潭合流至永康里之北西入大目降南溪又西入
大目降中溪至武定里同為新港入於海

一曰大橋港小橋港合流東過武定里之南分為二
又東過永康里北為小橋港南為大橋港

一曰安平鎮港潮汐從鹿耳門北至洲仔尾受新港

溪流南至瀨口受鳳山之岡山溪流港內寬衍可泊
千艘

附澎湖灣

一曰娘媽宮灣在大山嶼之南秋冬之際北風盛作
可泊戈船二十餘艘澎之港灣惟此處最穩今水師
副將駐此

一曰暗灣在大山嶼之東原有土城今圯巡檢司署
在此

一曰雙頭跨灣在暗灣之東中可泊船以避北風潮
退時皆汙泥

一曰圭母灣在雙頭跨之東四面皆山商船逃風

者便之

一曰風櫃灣在圭母灣之南而大山嶼之前峰僅容
小艇巨艦不得拋泊

一曰禪岙灣即峙內地在風櫃灣之東澎之捕魚者
居之

一曰猪母落水灣鄰於禪岙春夏時舟之渡厦者從
此只可寄舫非避風處也

一曰瑣管港灣乃大山嶼之贅地港多墨魚故名亦
非聚泊巨艦之所

一曰林投灣在瑣管港之東崖上生叢棘葉如劍多
荊俗呼為林投因以為名

一曰文良港灣在林投港之東岬上多人家乃大山嶼之東崖也

一曰小菓葉灣在文良港之北崖上多人居捕魚小艇常聚泊焉

一曰龜壁港灣在大山嶼之東北龜壁山前自龜壁港至風櫃仔尾有三十里

一曰洪林罩灣在龜壁港之後而大山嶼之北南風發可以泊船東西各有大湖東曰湖東灣西曰湖西灣

一曰東西衛灣在大山嶼之西其可泊舟者惟東衛灣西衛則無灣而名兼之者地相竝也

一曰鎮海灣在鎮海嶼之北可泊船十餘艘有潭名萬文潭土有土城今圯

一曰赤嵌灣在鎮海嶼之西三里許與小赤嵌相迎南風泊船地

一曰瓦碇港灣在鎮海灣之西去通樑社五里許

一曰竹篙灣灣在西嶼之北南風泊船地也其西北有二地曰南吼門大吼門湍水滌涸舟楫不通

一曰大菓葉灣在西嶼北去灣北有石一片沉水底船不敢犯俗呼為礁名師公礁

一曰牛心灣灣在大菓葉灣南西嶼之東廈門商船來臺多入此

一曰內塹灣在西嶼之南此灣有二分爲內外外塹去內塹不遠約其地有二里許外塹之西有東西二窩窩者水中高地也東窩潮退時離水四丈八尺濶七尺西窩潮退時離水二丈餘其上傾瀉不平一曰後灣灣在西嶼之西此處南風時只可寄泊不足以避颶風

一曰小池角灣去後灣灣無幾亦僅可寄泊非甚穩處也

一曰輯馬灣灣在西嶼之南北風寄泊之地

一曰西垵灣在八罩嶼南崖上有大入宮居民捕魚者在此

一曰梳毛潭灣在八罩嶼東崖上枯涸無水泉

一曰布袋灣在八罩嶼北其形外狹內廣如布袋狀故名

一曰水垵灣在八罩嶼西崖上多人家春夏行舟多在此灣取水

一曰大花宅灣在八罩嶼南旁曰小花宅灣二灣與花嶼拱照故名花宅

一曰將軍灣在梳毛潭東其灣崖麓臨深泊船時擇跳者飛身登岸植木繫纜

一曰沙鈎灣在將軍灣西灣狹水淺巨艦不進

一曰承質灣在大嶼之南越而西有湖內灣此處惟

十月至三月波浪少平亦可以寄泊四月至七月則
洪濤不測雖土人亦罕至其處

鳳山縣水道 鳳山之為水凡六

一曰岡山溪出自岡山北西流過嘉祥里依仁里為
二贊行溪又西過長治里為竹扈塹西至永寧里流
入於海此臺鳳界水也

一曰濁水溪出小岡山之南山南有大滾水山出水
常濁故溪之流皆濁因以為名西北過嘉祥里長治
里維新里南受鯽仔潭流西匯微羅港入於海
一曰萬丹港在微羅港之南潮至仁壽里受崩山之
小水凡四歸於海

一曰打鼓仔港在觀音山庄打鼓山下其港口有巨
石裂成一門門甚窄僅容一艦中有港可泊船赤山
庄之小流皆匯於是

一曰阿猴溪從阿猴林內山西出阿猴林又西南過
羅漢文社之北而與大澤機之北溪會經搭樓社阿
猴社為巴六溪浩瀚滌洄千餘里至淡水為淡水溪
又為漚灣溪後折而南匯於東港入於海

一曰大澤機北溪從大澤機內山北出羅漢文社之
南西流至搭樓社東轉而西北與阿猴溪合西為淡
水溪匯於東港入於海

一曰大澤機西溪從大澤機之西南山而出北過搭

樓社之東與北溪合轉為西北流入阿猴溪西為淡水溪匯於東港入於海

一曰中港潮過赤山仔之北轉而東過上淡水之南受下淡水雜流歸諸海

一曰力力溪從力力社東南內山西北過力力社又西過淡水巡司之北同為中港西入於海

一曰放索溪自茄藤社東南內山西北過茄藤社之南又從放索社之北同為中港西入於海

諸羅縣水道諸羅縣地廣山衆其為水最多支分流析凡一十有九

一曰木岡山溪從木岡山之西過馬鞍山又西過新

港東新化里至新化里為新港入於海

一曰歐汪溪一從大武壠山之東南內山而出一從大武壠山西出至新港社東合流茄友仔為茄友溪

經開化里赤山之南又西過善化里安定里入於海

一曰蚊港從南北鯤身外海潮過佳興里之北分南北二流東過麻豆社之北復分為二受開化里之赤

山雜流港有橋曰鐵線橋

一曰咽溪從大武壠山北西出大武壠社過舊咽之北又西過開化里之北稍轉西北而與急水溪會入於海

一曰急水溪從大武壠山北西過大排竹之南又過

下茄冬經倒咯囉之北西迤而與囉溪會同入於海
一曰八掌溪自鹿子埔山東南出西過上茄冬之北
諸羅山之南又西過小龜佛山逶邈數里滙於猴樹
港入於海

一曰牛欄溪自鹿子埔山西發源西過覆鼎山南又
西過諸羅縣山之北打猫社之南至南世竹西入龜
子港同猴樹港而入於海

一曰山壘溪源流有三南從鹿子埔之北流過西北
與中流會中從斗六門山之南流過西南與南流合
逐西過覆鼎山北又北折過打猫社至石龜之南復
與北流會同為山壘溪至笨港入於海其北流則又

從斗六門山西出者也經柴裡社猴悶社他里霧社
而與南流中流合

一曰吼尾溪自斗六門西過柴裡社南折至猴悶社
之北又折過他里霧社受麻芝干社細流至南社而
西入於海

一曰東螺溪自斗六門與吼尾溪同流西至東螺之
眉里社分支北流西過西螺社又西過麻豆干社為
北社溪西入於海

一曰大武郡溪自斗六門與吼尾東螺二溪合流西
過大武郡經柴裡社之西支分北流過東螺社大突
社從二林社之北同三林港分於海

一曰大肚溪從投揀社之東南內山北過投揀社西為投州溪又北過柴磴仔社至水里社之南折而西經大肚社為大肚溪南受半線阿東二社細流而西歸於海

一曰大甲溪出貓霧龜崙二山之間西過半罵社轉而西南至大甲社又西南至於崩山之旁裡茅干宛里吞韶四小社西入於海

一曰后籠溪社西過新港仔之南入於海

一曰中港潮至中港社分派從社南東過合歡山受南日山武勞灣二流西歸於海

一曰竹塹港潮過竹塹社受眩眩山一水又東過查

內社受查內山一水西歸於海

一曰南嵌港潮過小鳳山之北南受眩眩山一流入東北至南嵌社南受查內山一流東受干豆門一流而西歸於海

一曰淡水港從西北大湖過淡水城入干豆門轉而東南受合歡山灘流又東過外入投南受里末社一水又東過麻里則孝社東南受龜崙山灘東北受雞籠頭山灘從西北會歸於海

一曰雞籠港其港三面皆山獨北面瀚海然西北有雞籠頭線東北有雞籠鼻山港口又有雞籠與桶盤與週圍甚密內可泊巨艘

附海道

茫茫大海何處問其道途然往來有遠近有平險不可不知也臺灣為閩省外障其山皆向內地所謂障百川而迴狂瀾者也北路之后壠港與興化南日對峙后壠而上有竹塹社與海壇對峙竹塹而上有南嵌社與福州閩安鎮關潼對峙自南嵌至上淡水與北茭相照淡水至雞籠城與沙埕烽火門相照是以開拓時諸當道有北路添兵以通北方海道之詳議也今之往來船隻必以澎湖為關津從西與頭入或寄泊峙內或媽宮二者北風寄泊最穩處或八罩或鎮海與二者南風寄泊最穩處然後渡東吉洋即甘

吉凡四更船至臺灣入鹿耳門則澎湖乃臺灣之門戶而鹿耳門又臺灣之咽喉也行舟者皆以北極星為準黑夜無星可憑則以指南車按定子午是以天門測海道也倘或子午稍錯南犯呂宋或暹羅或交趾北則飄蕩無復人境甚至無力水而莫知所之此入臺者平險遠近之海道也至若臺灣郡治之海道自鹿耳門北至雞籠十九更船自鹿耳門南至沙馬磯頭十一更船苟遇颶風北則墜於南風氣氣者海若呼吸之氣一去不可復返南則入於萬水朝東皆險也此又居臺者之不可不知也

總論

郡有四封所以域民也然詩曰無此疆爾界傳曰域
民不以封疆之界又何以稱焉蓋詩所言頒一統也
傳所言重得道也臺灣未入版圖呈野山川雖在天
覆之內而因革措置終屬化外之區今者導道導路
卽有分疆畫界而率海之濱莫非
王臣猗歟休哉然則敷政優優使衆志成城無庸以封
疆域民者是誰之責哉

臺灣府志卷之一終

附形勢總論

宋永清鳳山令

臺灣荒裔區也二十餘年沐

聖天子深仁厚澤置郡縣定營制啓文明士讀農耕商懷
工集穀擊肩摩之盛有禮陶樂淑之風大綱小紀治
具畢張猗歟休哉凡

廟謨憲慮真無遠弗届矣予蒞鳳七載土俗人情竊為諮
察于形勢之中而得其大要焉蓋臺以府治為準附
郭之地曰中路者東至保大里大脚山五十里則臺
灣縣之疆界也而澎湖附焉自郭而南曰南路者直
抵沙馬磯頭六百三十里悉為鳳山疆界而安平鎮
附焉中路漢人居之南路則民番雜處沃壤雖廣漸

康熙臺灣府志

卷之一 封域

二十九

且治闢外此生番聚族其延袤廣狹莫可測識迤邐
而北曰北路者至雞籠山二千三百一十五里盡為
諸羅疆界民番富庶過於臺鳳而山後遼澗亘北迤
南生番出沒更為人跡不到之處矣綜而約之三縣
鼎峙之中水陸安置碁布星羅郡內駐鎮標三營千
水師則有澎臺之五營千陸路則有南北之二營大
鎮駐劄府城統十營而總轄之鋪有塘里有汛週遭
防衛鞏固全湯允稱盡善然北路一隅尤為全臺至
要余前署諸篆躬履村落備觀形勢內而控四里四
社之番民外而制八庄眾社之扼要則羅山其天險
也舊制營縣設佳里興三是奉文改移凡設縣安營

業于羅山雄其壁壘居民錯雜接踵三百餘里抵半線焉自半線以外茫然千里靡有窮極無稠密之人居有生蕃之異類徑道蜿蜒必至窮月之力始通于雞籠淡水稀疎入跡勢將藏垢長奸是羅山為全臺鎖鑰而半線又為羅山之鎖鑰也向來千總輪防亦頗嚴其稽察惟是官微兵少匪類竊發誠恐拒絕無由是非五百之衆斷不足以資彈壓欲分內里社之汛兵以為加防之計則沿途汛守已有專司一轉移間未免此盈彼縮莫若撤下茄冬之汛與半線合而為一得兵二百名再于額外加增三百湊足五百之數移駐守備以專保障蓋舊營佳里興距下茄冬頗

為遼遠若羅山咫尺此汛實為贅疣惟于半線謹其盤詰嚴以哨巡則此外無藏奸之虞全臺之區絕橈槍之患矣至夫水師之軍與陸路自不相侔蓋以陸路之兵披堅執銳自有一定之技一經操練到處可以馳驅三年換班此其宜也若夫臺地孤懸週圍環海兼以港道紆迴多產鐵板沙線舟航觸之未有不立見其碎稍有生疎安能撐駕無虞是以內地水師換至臺灣必藉本營將弁多方操演使其熟嫻港道然後隨手揚帆無往不利乃及一年二年頗為精熟而換班之期又將復屆循環往復究于水師無補何若免其更戍使水師之衆永駐臺灣不必有調換輪

班之舉而素練精熟者悉鼓勇于樓船之上平日資
哨邏之勤臨事策前驅之力則解纜揚帆一如揮鞭
按轡水師既為得力邊海之地可以帖然奠南天而
雄東顧矣夫自開拓以來

成例已周迂拙如永清敢復謬為蠡測然仰體

聖天子安不忘危之意亦未始非芻蕘一得也憶康熙四
十四年前大中丞長白李公以利弊下詢業為陳
其梗概謬叨採擇行司議詳惜未覈

題而中丞遽捐賓客為事雖寢然案牒具存也敢悉顛
末附于編終以俟後之君子